

ერთის მხრივ, სსიპ „აჭარის მუზეუმი“, (შემდგომში „შემსყიდველი“) წარმოდგენილი დირექტორის სულხან ოქროპირიძის სახით და მეორეს მხრივ ი.მ. ილია ჩაკვეტაძე (შემდგომში „მიმწოდებელი“), წარმოდგენილი ილია ჩაკვეტაძის სახით, „სახელმწიფო შესყიდვების შესახებ“ საქართველოს კანონის, საქართველოს მოქმედი კანონმდებლობისა და ი.მ. ილია ჩაკვეტაძის სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერი აუქციონის გარეშე (სატენდერო განცხადება **NAT190023549**) (CPV კოდი 18500000 – სამკაულების, საათების და მონათესავე ნივთები (სუვენირები)) დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი და ღირებულება

- 1.1 შესყიდვის ობიექტია: სამკაულების, საათების და მონათესავე ნივთების (სუვენირები) შეძენა შემდგომი რეალიზაციის მიზნით, ტექნიკური დავალების შესაბამისად.
- 1.2. შესყიდვის ობიექტის ოდენობა და ერთეულის ფასი მოცემულია ფასების ცხრილში (დანართ N1-ში), რომელიც წარმოადგენს ამ ხელშეკრულების განუყოფელ ნაწილს.
- 1.3. ხელშეკრულების საერთო ღირებულება შეადგენს 6425 (ექვსი ათას ოთხას ოცდახუთ) ლარს.
- 1.4. ხელშეკრულების საერთო ღირებულება მოიცავს მიმწოდებლის ყველა ხარჯსა და საქართველოს კანონმდებლობით გათვალისწინებულ ყველა გადასახადს.
- 1.5. მიმწოდებელი ვალდებულია წინამდებარე ხელშეკრულებით და ამავე ხელშეკრულების №1 დანართით.

2. შესყიდვის ობიექტის ხარისხი და სტანდარტები

- 2.1. ხელშეკრულების ფარგლებში მიწოდებული შესყიდვის ობიექტი უნდა შეესაბამებოდეს სტანდარტებსა და ტექნიკურ ნორმებს.
- 2.2. მიმწოდებელი იძლევა ვალდებულებას, რომ მიწოდებული შესყიდვის ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 2.3. მიმწოდებელი ვალდებულია შეტყობინების მიღებიდან 5 კალენდარული დღის ვადაში, განახორციელოს წუნდებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯის გარეშე.

3. მხარეთა ვალდებულებები

- 3.1. მიმწოდებელი ვალდებულია:
 - ა) შესყიდვის ობიექტის მოწოდება უზრუნველყოს ფასების ცხრილის - დანართი N1 შესაბამისად და დანართში აღნიშნული ყველა პირობის დაცვით;
 - ბ) განახორციელოს ამ ხელშეკრულებით მასზე დაკისრებული სხვა ვალდებულებები.
- 3.2. შემსყიდველი ვალდებულია:
 - ა) გადაუხადოს მიმწოდებელს წინამდებარე ხელშეკრულებით გათვალისწინებული ფაქტობრივად გაწეული მომსახურების საფასური.
 - ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4. ხელშეკრულების შესრულების კონტროლი

- 4.1. შემსყიდველს ან მის წარმომადგენლებს საჭიროების შემთხვევაში უფლება აქვთ განახორციელონ ტექნიკური კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

4.2. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განხორციელებს სსიპ „აჭარის მუზეუმი“-ს თანამშრომელი ექსპოზიციის მენეჯერი მათა კახიძე.

5. მომსახურების გაწევის ვადები

5.1. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 5 (ხუთი) კალენდარული დღის ვადაში.

6. მომსახურების მიღება-ჩაბარების წესი

6.1. მომსახურების მიღება-ჩაბარება განხორციელდება ფაქტობრივად გაწეული მომსახურების შემდეგ, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის, ან/და საგადასახადო ანგარიშ-ფაქტურის (სასაქონლო ზედნადების) გაფორმებით.

6.2. შემსყიდველის მხრიდან მომსახურების მიღება-ჩაბარების აქტზე ხელმომწერი პირ(ებ)ი მათა კახიძე და ზურაბ ვარშანიძე.

7. ანგარიშსწორება

7.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

7.2. ანგარიშსწორება მოხდება უნაღდო ანგარიშსწორებით ლარში.

7.3. ანგარიშსწორება განხორციელდება მოწოდებული საქონლის შესაბამისად დოკუმენტების გაფორმებიდან 10 (ათი) სამუშაო დღის ვადაში.

7.4. მიმწოდებელთან ანგარიშსწორება განხორციელდება ფაქტობრივად მოწოდებული საქონლის შესაბამისად.

8. ფასები

8.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

8.2. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

8.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

8.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია არანაკლებ 5 კალენდარული დღით ადრე წერილობით შეატყობინოს მეორე მხარეს შესაბამისი ინფორმაცია.

9.3. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით

გათვალისწინებული შემთხვევებისა. ხელშეკრულების პირობების გადასინჯვა ხდება კანონმდებლობით დადგენილი წესით.

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვეტოს ხელშეკრულება, მოქმედი კანონმდებლობით დადგენილი წესითა და პირობებით.

9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. უფლებების გადაცემა

10.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

11. ხელშეკრულების პირობების შეუსრულებლობა

11.1. თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.

11.2. თუ მიმწოდებელი არ ასრულებს ხელშეკრულებით გათვალისწინებულ პირობებს, მაშინ მას დაეკისრება პირგასამტეხლოს გადახდა სახელშეკრულებო ღირებულების 0,02 %-ის ოდენობით ყოველ ვადაგადაცილებულ დღეზე.

11.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, ამ ხელშეკრულების მოქმედება ვადამდე შეწყდება.

11.4. თუ „შემსრულებლის“ მხრიდან სახეზეა ვალდებულების ან მისი ნაწილის არაჯეროვანი შესრულება ან შეუსრულებლობა, გარდა ვადის გადაცილების შემთხვევებისა, და შემსრულებლისთვის დამატებითი ვადა გასულია ან მის განსაზღვრას აზრი არ აქვს, შემსრულებელს დაეკისრება ჯარიმის გადახდა ხელშეკრულების შეუსრულებელი ვალდებულების ღირებულების 10 %-ის ოდენობით.

12. ფორს-მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით

აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

14. გამოყენებული სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1. ხელშეკრულება შედგენილი უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

16. გადასახადები და დაბეგვრა

16.1. უცხოელი მიმწოდებელი პასუხს აგებს გასაწევ მომსახურებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

16.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

17. სხვა პირობები

17.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.2. მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

17.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი - მიმწოდებელს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

18. ხელშეკრულების მოქმედების ვადა

18.1. წინამდებარე ხელშეკრულება ძალაშია მხარეების მიერ მისი ხელმოწერის თარიღიდან და მოქმედებს 2020 წლის 30 იანვრის ჩათვლით.

19. მხარეთა იურიდიული მისამართები და რეკვიზიტები

შემსყიდველი:

სსიპ „აჭარის მუზეუმი“

მისამართი: ქ. ბათუმი, ახვლედიანის
ქ. 4

საიდენტიფიკაციო კოდი: 245769271

საბანკო რეკვიზიტები: სახელმწიფო ხაზინა

ბანკის კოდი TRESGE22

სახაზინო კოდი: 05131105

დირექტორი

სულხან ოქროპირიძე



„მიმწოდებელი“

ი.მ. ილია ჩაკვეტაძე

მისამართი: ქ. ბათუმი, გ. ბრწყინვალეს
ქ. #11

საიდენტიფიკაციო კოდი: 61001040066

საბანკო რეკვიზიტები:

სს „პროკრედიტ ბანკი“

ბანკის კოდი MIBGGE22

ანგ. ნომ: GE81PC0373600100005589

ილია ჩაკვეტაძე

№	საქონლის დასახელება	წარმოშობის კვეყანა	მწარმოებელი ფირმა	რაოდ.	ერი.ფასი	ჯამი	მიწოდების ვადა
1	საყურე ფიჭვნარული, ვერცხლი, მინაქარი - კოლხური აბ.წ. - IV ს	საქართველო	ი.მ. ილია ჩაკვეტაძე	5	75	375	
2	საყურე ფიჭვნარული ვერცხლი მოიქროვილი - კოლხური აბ.წ. - IV ს	საქართველო	ი.მ. ილია ჩაკვეტაძე	2	80	160	
3	გულსაკიდი ფიჭვნარიდან, ვერცხლი, მინაქარი - კოლხური აბ.წ. - IV ს	საქართველო	ი.მ. ილია ჩაკვეტაძე	5	35	175	
4	ბეჭედი ჰერმესის გამოსახულებით, ვერცხლი - ხელგაჩაყრი - ურები ძვ.წ. - V ს	საქართველო	ი.მ. ილია ჩაკვეტაძე	5	25	125	
5	ბეჭედი ჰერმესი ვერცხლი მოიქროვილი ხელგაჩაყრი - ურები ძვ.წ. - V ს	საქართველო	ი.მ. ილია ჩაკვეტაძე	5	28	140	
6	საკიდი ბერენიკეს გამოსახულებით, ვერცხლი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	23	115	
7	საკიდი ბერენიკეს გამოსახულებით, ვერცხლი, მოიქროვილი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	25	125	
8	ბეჭედი ბერენიკეს გამოსახულებით, ვერცხლი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	50	250	
9	ბეჭედი ბერენიკე ვერცხლი მოიქროვილი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	53	265	
10	ბეჭედი ნიჟარა, ვერცხლი, მოიქროვილი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	23	115	
11	ბეჭედი ნიჟარა ვერცხლი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	26	130	
12	კოლხური თეთრი ვერცხლი - ფიჭვნარი ძვ.წ. VI - IV სს	საქართველო	ი.მ. ილია ჩაკვეტაძე	5	12	60	ბელშეკრუ ლების
13	სტატერი ალექსანდრე მაკედონელის, ვერცხლი, მოიქროვილი - ფიჭვნარი ძვ.წ. - IV ს	საქართველო	ი.მ. ილია ჩაკვეტაძე	5	18	90	გაფორმები დან 5
14	მონეტა ქიზიკინი - ფიჭვნარი ძვ.წ. - V ს	საქართველო	ი.მ. ილია ჩაკვეტაძე	5	35	175	(თხუთი)
15	კოლხური ცული, თითბერი მოიქროვილი აჭარა, ხიხამირი ძვ.წ. VIII - VII სს	საქართველო	ი.მ. ილია ჩაკვეტაძე	15	50	750	კალენდარუ ლი დღე
16	ჭაბუკის ქანდაკება, თითბერი მოიქროვილი - აჭარა, გონიო - ძვ.წ. I-II სს	საქართველო	ი.მ. ილია ჩაკვეტაძე	15	55	825	
17	ბეჭედი „გვირილა“, ვერცხლი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	25	125	
18	ბეჭედი გვირილა ვერცხლი მოიქროვილი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	27	135	
19	საკიდი კაპანდიბი, ვერცხლი, მოიქროვილი, აჭარა, ხელგაჩაყრი აბ.წ. - I ს	საქართველო	ი.მ. ილია ჩაკვეტაძე	10	50	500	
20	სხივანა საყურე, ვერცხლი, ფიჭვნარი - კოლხური სამაროვანი ძვ.წ. - V ს	საქართველო	ი.მ. ილია ჩაკვეტაძე	5	35	175	
21	სხივანა საყურე, ვერცხლი მოიქროვილი ფიჭვნარი - კოლხური სამაროვანი ძვ.წ. V ს	საქართველო	ი.მ. ილია ჩაკვეტაძე	5	40	200	
22	ალექსანდრე მაკედონელის მონეტა დიდი - ძვ.წ. - IV ს	საქართველო	ი.მ. ილია ჩაკვეტაძე	5	35	175	
23	საყურე რეილი, ფიჭვნარი - ძვ.წ. IV ს	საქართველო	ი.მ. ილია ჩაკვეტაძე	5	30	150	
24	საყურე რეილი ვერცხლი მოიქროვილი ფიჭვნარი - ძვ.წ. - IV ს	საქართველო	ი.მ. ილია ჩაკვეტაძე	5	33	165	
25	ბეჭედი აფროდიტა ვერცხლი - ფიჭვნარი ძვ.წ. IV - III სს	საქართველო	ი.მ. ილია ჩაკვეტაძე	5	25	125	
26	ბეჭედი აფროდიტა მთვარე - ფიჭვნარი ძვ.წ. - IV ს	საქართველო	ი.მ. ილია ჩაკვეტაძე	5	40	200	
27	მარმარილოს სადგამი (პედესტალი) ფიგურებისათვის შემსყიდველთან შეთანხმებით	საქართველო	ი.მ. ილია ჩაკვეტაძე	40	15	600	
	სულ ჯამი:			192		6425,00	

სსიპ „აჭარის მუზეუმი“

ს.კ. 245769271

დირექტორი: სულხან ოქროპირიძე

ი.მ. ილია ჩაკვეტაძე

ს.კ. 61001040066

ილია ჩაკვეტაძე

